



## **KOMUNIKADO PA PRENSA**

*Fecha*  
7 di febrüari 2017

*Kolaboradó di Maneho*  
Corinne Leysner

*Email*  
[corinne.leysner@gobiernu.cw](mailto:corinne.leysner@gobiernu.cw)

### **ROP ta advertí doñonan di edifisionan deplorabel i públiko riba nan mes responsabilidad**

Willemstad - Minister Suzy Camelia-Römer i su servisio pa Planifikashon Urbano, ROP, ta advertí doñonan di edifisionan deplorabel riba e ruta di karnaval, tokante e propio responsabilidad pa drecha nan edifisionan. ROP su inspektornan a identifiká 15 edifisio riba e ruta di karnaval, ku na un òf otro manera por ta peligroso pa esnan ku ta para, kana òf stashoná nan vehíkulo, banda di e edifisionan konserní. ROP a manda karta di advertensia diferente biaha pa e doñonan di e edifisionan, pero no a reashoná niun reashon ni akshon di nan banda.

Gobièrnu ta laga drecha loke ta mas nesario na e diferente edifisionan i ta manda e gastunan pa e diferente doñonan pa nan paga e montante bèk. Esaki sigur ta sali mas karu ku si e doño mes lo a paga pa drecha su edifisio. Es mas ta trata aki di reparashonnan di emergensia ku no ta garantisá ku e edifisionan ta bira kompletamente den bon estado. Pa avisá públiko di posibel peliger, Gobièrnu ta pone bòrchinan na e diferente edifisionan, di manera ku públiko mes tambe por tuma su responsabilidad i no ta bai para òf stashoná vehíkulo banda di e edifisionan.

Ta trata di e siguiente edifisionan:

1. Schottegatweg 98-100,
2. Schottegatweg West 10,
3. Schottegatweg West tussen 127 en 129,
4. Schottegatweg West 4,
5. Roodeweg 228,
6. Roodeweg 160,
7. Roodeweg 148,
8. Roodeweg 236,
9. Kortijnweg 5,
10. Breedestraat 190A,
11. Conscientiesteeg 63,
12. Conscientiesteeg 65, 67, 68.

ROP ta pidi tur hende pa tuma e advertensia aki na serio i evitá aksidente innesario ku por tin konsekuensianan permanente i asta fatal.